

Հ Ա Շ Վ Ե Տ Վ ՈՒ Թ Յ ՈՒ Ն  
ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

**1. Անունը, ազգանունը.**

Արսեն Թորոսյան

**2. Զբաղեցրած պաշտոնը.**

Առողջապահության նախարար

**3. Գործուղման վայրը և ժամկետները.**

2020 թ. փետրվարի 17-21-ը, Կորեայի Հանրապետություն, Սեուլ

**4. Հրավիրող կողմը.**

Համաշխարհային Բանկ և Կորեայի Հանրապետության Ազգային առողջապահական ապահովագրական ծառայություն

**5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).**

Գործուղման նպատակը «Հայաստանի, Վրաստանի և Կորեայի միջև գիտելիքների փոխանակում առողջության ապահովագրության վերաբերյալ» ուսումնական այցն էր:

Այցի նպատակն էր ծանոթանալ առողջության ապահովագրության ոլորտում Կորեայի զգալի ձեռքբերումներին: Այն լավ հնարավորություն էր ծանոթանալու Կորեայում առողջության ապահովագրության ազգային ծառայության համակարգին և վերջինիս իրականացման սկզբունքներին:

**6. Քննարկված թեմաները.**

Նստաշրջանը խրախուսում էր բանավեճը մասնակիցների միջև գիտելիքների ու կարծիքների փոխանակման նպատակով՝ հաշվի առնելով ծառայությունների մատուցման և կայուն ֆինանսավորման ուղղությամբ երկրների փորձը:

Քննարկվեցին առողջության ապահովագրության ազգային համակարգի ներդրման համար անհրաժեշտ պայմանները, հիմնական սկզբունքները, մասնակից երկրների առողջապահական համակարգի ֆինանսավորման մեխանիզմները, արդի վիճակն ու առկա մարտահրավերները:

## **7. Հանդիպումները, ելույթները, բարձրացված կամ քննարկված հարցերը**

Տեղի է ունեցել հանդիպում Կորեայի Ազգային առողջապահական ապահովագրական ծառայության նախագահ Յոնգ-Իկ Կիմի հետ:

Հանդիպմանը մասնակցել է նաև Համաշխարհային բանկի պատվիրակությունը:

Յոնգ-Իկ Կիմը խոսել է նման փոխանակման ծրագրերի և միջոցառումների կարևորության մասին՝ հաշվի առնելով այն, որ Կորեայի առողջապահական ապահովագրական համակարգը, ձևավորվելով 1977 թվականին, մեծ հաջողություններ է գրանցել և օրինակելի է աշխարհի շատ երկրների համար:

Նա նշել է, որ կորեական կողմն ուրախ է կիսվելու իրենց փորձով այլ երկրների ներկայացուցիչների հետ:

Արսեն Թորոսյանը կարևորել է առողջության համապարփակ ապահովագրության ներդրման կորեական հաջողված փորձի ուսումնասիրությունը՝ հաշվի առնելով, որ Հայաստանը ևս ընտրել է այդ ճանապարհը և գտնվում է հանրային առողջապահական ապահովագրական համակարգի ներդրման սկզբնական փուլում, ինչպես նաև պատրաստակամություն է հայտնել կորեական կողմի հետ փոխադարձաբար կիսվել Հայաստանի առողջության առաջնային պահպանման (ԱԱՊ) օղակի գործունեության հաջողված փորձով:

Կայացել է նաև հանդիպում Կորեայի միջազգային համագործակցության գործակալության (KOICA) փոխնախագահ Բաեկ Սուկիի հետ: Կողմերը քննարկել են համատեղ զարգացման ծրագրեր իրականացնելու հեռանկարները և հնարավորությունները:

Արսեն Թորոսյանը շնորհակալություն է հայտնել վերջերս Կորեայի արտաքին գործերի նախարարության կողմից հաստատված ծրագրի համար, որի շրջանակներում Հայաստանի առողջապահության նախարարությունը ձեռք է բերելու ուլտրաձայնային սարքավորումներ և հանձնելու մարզային բժշկական կենտրոններին:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Կորեայի Ազգային առողջապահական ապահովագրական ծառայության նախագահ Յոնգ-Իկ Կիմի հետ հանդիպման ընթացքում կողմերը կարևորել են նաև փորձագետների փոխանակությունը երկրների միջև և պայմանավորվածություն ձեռք բերել ապագա համագործակցության համար:

Համաշխարհային բանկի պատվիրակության ղեկավար Ադաննա Չուկվուման ընդգծել է երկրների միջև երկխոսության ստեղծման կարևորությունն արդեն կայացած համակարգերի մասով և ավելացրել, որ Համաշխարհային բանկը նույնպես շարունակելու է աջակցել Հայաստանին՝ բարեփոխումների ուղղությամբ:

Քննարկվել է նաև երկու երկրների ոլորտային գերատեսչությունների միջև փոխըմբռնման հուշագիր ստորագրելու հնարավորությունը:

Հանդիպման վերջում Արսեն Թորոսյանը կորեացի փորձագետներին հրավիրել է այցելել Հայաստան՝ ուսումնասիրելու վերջին տարիներին իրականացված աշխատանքները:

Կորեայի միջազգային համագործակցության գործակալության փոխնախագահի հետ հանդիպման ընթացքում վերջինս առաջարկել է հայ մասնագետներին մասնակցել Կորեայում իրականացվող առողջապահական դասընթացներին՝ մասնագիտական հմտությունները բարձրացնելու համար:

Հանդիպմանը քննարկվել է նաև ապագայում ավելի լայնամասշտաբ ծրագրեր իրականացնելու հնարավորությունները:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Հանդիպումների ընթացքում ձեռք բերված պայմանավորվածություններն ու ընդունված որոշումները կյանքի կոչելու համար կողմերը պատրաստակամություն են հայտնել պարբերաբար իրականացնել աշխատանքային կարգով քննարկումներ՝ հեռահաղորդակցման հնարավոր միջոցներն օգտագործելով:

**10. Ստորագրությունը, ամսաթիվը:**

 Recoverable Signature

X 

---

ԱՐՍԵՆ ԹՈՐՈՍՅԱՆ

Signed by: TOROSYAN ARSEN 3114820360

25 փետրվարի, 2020թ.